

# KULIAH ZOHOR

**“Punca Perpecahan & Asas Kesatuan”**

**Masjid Maarof | 15 Januari 2020**

Muhammad Haniff Hassan

[ismhaniff@ntu.edu.sg](mailto:ismhaniff@ntu.edu.sg) / [www.haniff.sg](http://www.haniff.sg)

# Ayat Al-Quran

وَمَا تَفَرَّقُوا إِلَّا مِنْ بَعْدِ مَا جَاءَهُمُ الْعِلْمُ بَعِيًّا بَيْنَهُمْ وَلَوْلَا  
كَلِمَةٌ سَبَقَتْ مِنْ رَبِّكَ إِلَىٰ أَجَلٍ مُّسَمًّى لَفُضِيَ بَيْنَهُمْ وَإِنَّ  
الَّذِينَ أُورِثُوا الْكِتَابَ مِنْ بَعْدِهِمْ لَفِي شَكٍّ مِّنْهُ مُرِيبٍ

# Terjemahan

“Dan mereka (Ahli Kitab) tidak berpecah belah melainkan sesudah datangnya pengetahuan kepada mereka kerana kedengkian antara mereka.” (Al-Syura : 14)

# Pengajaran

1. Ayat ini menceritakan sebab perpecahan yang berlaku di kalangan Ahli Kitab
  - ayat yang relevan dalam persoalan pembinaan pasukan, organisasi dan memahami tingkah laku dalam organisasi.
2. Sebab perpecahan ialah kedengkian, walau pun telah diberi ilmu dari kitab yang diturunkan.
3. Dengki, cemburu, hasad, iri hati dan yang seumpamanya, kalau pun bukan sebab yang terutama, adalah antara faktor utama yang merosakkan kesatuan dan mencetus perpecahan dalam kumpulan, organisasi dan pasukan.

4. Kesemua sifat-sifat ini adalah sifat-sifat keji yang wujud di hati manusia
  - dihilangkan melalui proses penyucian jiwa
  - dilakukan melalui ibadah yang berterusan
  - pentarbiyahan oleh diri sendiri atau orang lain.
  
5. Teras pembinaan pasukan (team building) dalam Islam ialah terfokus pada hati manusia
  - bukan hanya kemahiran (skills) dan pengetahuan semata-mata
  - hati perlu dibersihkan dengan sifat-sifat keji yang dinyatakan di atas dan diganti dengan sifat-sifat yang berlawanan seperti mengutamakan sahabat, pengorbanan dan berlapang dada.

6. Berapa banyak hari ini kita lihat sebuah organisasi porak peranda kerana si A tidak suka dengan si B, kumpulan A dengki dengan kumpulan B dan generasi A marah dengan generasi B
  - dari sifat-sifat ini, terlahirlah tindakan-tindakan zahir seperti memandang remeh terhadap yang lain, mengkritik buta, memboikot, merancang untuk menjatuhkan yang lain, menghukum dan melabel.
  
7. Berapa banyak pula hari ini wang dibelanjakan untuk membina pasukan yang hanya tertumpu pada kemahiran dan ilmu semata-mata, tapi jauh dari aspek kesucian jiwa serta memperbaiki hubungan hati sesama manusia.

# KULIAH ZOHOR

**“Menghadapi Kesempitan Dan Kesulitan”**

**Masjid Maarof | 15 Januari 2020**

Muhammad Haniff Hassan

[ismhaniff@ntu.edu.sg](mailto:ismhaniff@ntu.edu.sg) / [www.haniff.sg](http://www.haniff.sg)

# Ayat Al-Quran

قَالَ بَلْ سَوَّلَتْ لَكُمْ أَنْفُسُكُمْ أَمْرًا فَصَبِرْ جَمِيلٌ عَسَى اللَّهُ أَنْ يَأْتِيَنِي بِهِمْ جَمِيعًا إِنَّهُ هُوَ الْعَلِيمُ الْحَكِيمُ  
وَتَوَلَّى عَنْهُمْ وَقَالَ يَا أَسْفَى عَلَى يُوسُفَ وَإِیْضَتْ عَيْنَاهُ مِنَ الْحُزْنِ فَهُوَ كَظِيمٌ  
قَالُوا تَاللَّهِ تَفْتَأُ تَذَكُرُ يُوسُفَ حَتَّى تَكُونَ حَرَضًا أَوْ تَكُونَ مِنَ الْهَالِكِينَ  
قَالَ إِنَّمَا أَشْكُو بَثِّي وَحُزْنِي إِلَى اللَّهِ وَأَعْلَمُ مِنَ اللَّهِ مَا لَا تَعْلَمُونَ  
يَا بَنِي إِذْهَبُوا فَتَحَسَّسُوا مِنْ يُوسُفَ وَأَخِيهِ وَلَا تَيَأْسُوا مِنْ رَوْحِ اللَّهِ إِنَّهُ لَا يَيْئَسُ مِنْ رَوْحِ اللَّهِ  
إِلَّا الْقَوْمُ الْكَافِرُونَ

# Terjemahan

“Ya`qub berkata: Hanya dirimu sendirilah yang memandangi baik perbuatan (yang buruk) itu. Maka kesabaran yang baik itulah (kesabaranku). Mudah-mudahan Allah mendatangkan mereka semuanya kepadaku; sesungguhnya Dialah yang Maha Mengetahui dan Maha Bijaksana.

Dan Ya`qub berpaling dari mereka (anak-anaknya) seraya berkata: Aduhai duka citaku terhadap Yusuf dan kedua matanya menjadi putih kerana kesedihan dan dia adalah seorang yang menahan amarahnya (terhadap anak-anaknya).

Mereka berkata: Demi Allah, senantiasa kamu mengingat Yusuf sehingga kamu menghidap penyakit yang berat atau termasuk orang-orang yang binasa.

Ya`qub menjawab: Sesungguhnya hanyalah kepada Allah aku mengadu kesusahan dan kesedihanku, dan aku mengetahui apa yang kamu tidak mengetahuinya.

Hai anak-anakku, pergilah kamu, maka carilah berita tentang Yusuf dan saudaranya dan jangan kamu putus asa dari rahmat Allah. Sesungguhnya tiada berputus asa dari rahmat Allah, melainkan kaum yang kafir.” (Yusuf: 83-87)

# Pengajaran

1. Kisah nabi Ya`qub yang kehilangan dua orang anak yang dikasihinya yaitu Yusuf dan Benjamin.
  - pengajaran dalam menghadapi kesulitan dan kesempitan dalam kehidupan.
  
2. Sikap nabi Ya`qub dalam menghadapi kehilangan anak-anaknya dapat disimpulkan sebagai berikut;
  - a. Sabar yang berterusan.
  - b. Optimis dengan janji Allah taala (nabi Ya`qub tahu bahawa anak-anaknya tidak mati dan akan dikembalikan oleh Allah taala melalui wahyu).

- c. Tidak mudah putus asa
- d. Berbuat baik kepada mereka yang melakukan kesalahan (nabi Ya`qub tidak membalas kejahatan anak-anaknya dengan kejahatan dan kekasaran)
- e. Menjaga adab sepanjang masa, hatta dalam waktu-waktu susah dan menekan
- f. Pengasih dan bersedia untuk memaafkan (nabi Ya`qub memaafkan anak-anaknya setelah mereka kesal dengan kesalahan yang dilakukan)
- g. Menjauhi sikap membalas dendam
- h. Berusaha berterusan sebagai tanda tidak putus asa (nabi Ya`qub menyuruh anak-anaknya terus mencari Yusuf dan adiknya)
- i. Menjadikan Allah taala tempat mengadu

3. Walau pun nabi Ya`qub memperoleh wahyu dari Allah taala mengenai keadaan Yusuf yang tidak dibunuh, dia tidak menggunakannya untuk berhujah dan menangkis dakwaan anak-anaknya kerana wahyu adalah satu kurniaan khusus yang tidak dapat dibuktikan secara biasa.
  
4. Pengajaran kepada para pemimpin bahawa pengetahuan khusus yang dia ada tidak memadai untuk dijadikan sandaran bagi membuat keputusan atau menghukum sesuatu perkara yang berkaitan dengan maslahat umum
  - tidak wajar berkata, “Saya buat seperti ini kerana saya tahu apa yang kamu tidak tahu tapi saya tidak dapat beritahu kamu apa yang saya tahu.”

4. Walau pun kemungkinan si pemimpin bercakap benar, namun dari segi sistem membuat keputusan, hujah sedemikian akan membuka ruang ketidaktelusan (not transparent) kerana ia tidak dapat dicabar dan didebatkan.
5. Apabila berhadapan dengan ujian berat sehingga merasa pasrah dan lemah kerana tidak mampu buat apa-apa, ingat kisah nabi Ya`qub ini yang mengajar kita sikap;

“Sesungguhnya hanyalah kepada Allah aku mengadu kesusahan dan kesedihanku”

“Jangan kamu putus asa dari rahmat Allah”

7. Kasihanilah diri sendiri dengan membenarkan ia untuk meluahkan perasaannya dan melayan kesedihannya.
  - kasihanilah orang lain juga dengan membenarkan mereka melakukan sedemikian
  - Jangan mereka dicela kerana bersedih dengan tuduhan tidak sabar dan tiada pergantungan dengan Allah taala
  - lihat bagaimana nabi Ya`qub bersedih kerana dia dan kita semua adalah manusia belaka.